

Intervensaun S.E. Primeiru-Ministru Taur Matan Ruak Nian Iha Debate Kona-ba Estadu Emerjensia, Tanba KOVID-19

Parlamentu Nasional, 26 Marsu 2020

Sr. Presidente Parlamentu Nasional

Sra./Sr. Vices

Sekretária e kompozisaun da meza.

Senhores Xefe Bankadas

Senhoras e Senhores Deputados

Partisipantes sira,

Ouvintes no telespetadores Radio Televizaun Timor-Leste

Ne'e momentu ida que espesiál tebes ba ita nia nasaun, momentu ida que iha país hotu-hotu no barak liu mak konsidera situasaun ida hanesan ne'e, hanesan loos funu, sira hateten katak ne'e hanesan funu tanba atu kombate presiza esforsu nasional, konsentrasaun rekursu hotu-hotu para ita bele manán.

Moras Korona hahú mosu iha Xina, iha 1 de Dezembro de 2019, iha 30 de Janeiru 2020 Organizasaun Mundial de Saúde deklara ezisténsia situasaun extraordinária ne'ebé fó risku ba saúde publiqua. Iha dia 11 de Marsu 2020 deklara Organizasaun Mundial da Saúde deklara tan hanesan pandemia ida ne'ebé afeta no ameasa maka'as saúde públíka.

To'o agora nasaun hamutuk 198 maka moras ne'e tama ona, se ita boot sira haree moras ne'e hahú iha Xina nasaun hotu-hotu inklui Timor hakfodak no halo esforsu ba lori fila ninia sidadaun sira. Infelizmente ita la espera katak moras mai tuir nasaun ida-idak. ohin iha 198 paízes ne'ebé mak moras ne'e kona, 438.516 mak infetadu 19.656 mak mate 109.912 mak rekopera iha de'it dia 24-25 hamutuk 15.989 kazu, iha 15.989 kazu ne'e 766 mak mate. Mate ne'ebé agora daudaun barak liu mak Itália 5.476, tuir Espanha 3.434, iha Espanha até sistema saúde la aguenta ona sira tenke hili sé mak tenke husik para mate i salva mak sé. Hatudu katak nasaun hirak ne'ebé iha sistema saúde muito dezenvolvidu hanesan kazu Itália que uns dos melhores iha Europa, ohin laiha kondisoinis para bele enfrenta situasaun ida ne'e.

Timor-Leste, ita iha ona kazu ida (...) Uma vez que afeta ne'e nia multíplika lais no maka'as loos, tuir estatística ou matemática previzioza organizasaun mundial nian hateten katak, se Timor-Leste kona karik i daudaun ne'e ida ona, sei atinje 10% populasaun, ekivalente 118.364 mak sei infetadu iha número ida ne'e 80% ne'e korresponde 94.691 mak presiza kuidadu domisiliáriu katak nia tenke hela iha uma. 15% korresponde 17.755, mak tenke presiza internamentu hospital i 5% korresponde 5.918 maka presiza kuidadu insentivas ho ventiladores sira, ita laiha sistema ida, sistema saúde ita nian laiha kondisaun para simu ida ne'e.

Tanba ne'e, ita-nia prevensaun mak maka'as liu, ita agradese no parabeniza ba esforsu igreja katólika nian hodi suspende atividade kurtu sira iha fatin-fatin iha Timor laran tomak, Ministériu Edukasaun suspende ita-nia eskola sira, tuir rekomendasau Komisaun Funsau Pública, Governu dispensa funzionáriu sira ne'ebé ladún nesesáriu liuliu sira ne'ebé iha difikuldades que bele hetan moras lalais, sira ne'ebé saúde ladún di'ak, katuas sira, para sira bele hela iha uma i para asegura de'it ema ne'ebé presiza para bele halo atividade sira ne'ebé ita nia nasaun presiza kontinua la'o.

Maibé medidas hirak ne'e la too ita presiza prepara an di'ak liu tan. Ita-nia nasaun enfrenta ona risku hanesan funu iha tempu ba kotuk, ita haree ninia konsekuénsia halo nusa! Krize 2016 ita haree oinsá mak ita-nia kapasidade atu jere, oinsá mak ita nia esforsu, nasaun tomak nia esforsu para atu hakbiit ita nia an hodi enfrenta situasaun ida ne'e.

Preparasaun ita nian importante tebes, iha esperiénsia mundu sira nian, sira prepara sira nia an iha aspetu 5:

1. Kampaña Ijiéniku nian

Ministériu Saúde, komisaun interministerial sira halo esforsu para komesa hanorin ita nia sidadaun sira oinsá mak prevene, fase liman, labele adeus no seluseluk tan.

2. Interdisaun Entrada Sira

Katak moras sira husi li'ur labele mai, ita halo desizaun lubuk ida para impede entrada sidadaun sira seluk, husi NASAUN seluk ne'ebé afetadu atu labele tama mai ita-nia NASAUN/ita-nia rain. Se ita haree didi'ak Darwin iha, Kupan iha, Indonézia iha paíz hotu-hotu iha rejaun ne'e iha, laiha ida que dehan laiha I sira ne'e barak liu iha ligasaun ho ita.

3. Triajen iha postu de entrada sira.

Iha esperiénsia NASAUN sira seluk nian, sira halo triajen masal, ha'u kontente loos primeira vés ohin mai halo triajen iha Parlamentu Nasional, ha'u kontente tanba ha'u laiha isin manas, tanba ita-boot sira hatene iha Estadus Unidus, Prezidente Brazil ba vizita Prezidente Trump fila fali ninia delegasaun 23, hetan hotu korona. Austrália nia Ministru Interior ba White House ba hasoru funzionáriu sira no Prezidente Trump nia oan feto fila fali nia hetan. I ha'u espera katak ita labele hetan.

4. Ijolamentu

Ita impoin ijolamentu ho difikuldades boot mas ijolamentu ne'e forma ida para ajuda normaliza mós iha fatin barak, ijolamentu halo ema mate mesak, mate forsa mak hakoi, família sira la hakoi, balun husik hela iha uma laran tanba nia halo ema ta'uk.

5. Distansiamentu Sosiál

Iha distansiamentu sosiál ne'e mak ami presiza medidas esesionais.

Senhoras/es Deputadu sira ohin rona mensajen S.E. Sr. Prezidente nian, ami hatene katak iha uma fukun ida ne'e ita iha tiha ona esperiénsia ne'ebé dekreta Estadu de Emerjénsia tanba ne'e la'ós buat foun Governu senti katak sei fó kbiit liu ba iha Governu para bele iha kbiit para atu restrinjir liberdade sirkulasau, liberdade sira ninian, liberdade sira seluk ita-nia sidadaun sira nian que só ita halo bainhira Estado de Emerjénsia no kazu kalamidade pùblica ne'e presiza tebes. Tanba ne'e mak S.E Sr. Prezidente, distintu deputados ami presiza ita-boot sira-nia apoiu, ita hotu ninia apoiu para bele enfrenta ameasa no risku ida ne'e.

S.E. Sr. Prezidente ninia mensajen ohin hateten momentu ida di'ak loos para ita hamutuk, ita ida-idak labele soe ba kotuk momentu ida ne'e, ne'e úniku que ha'u hanoin halo ita la haree, tanba moras mós la hili ita, entaun di'ak liu ita hamutuk, para ita reuni ita nia kbiit, ita nia kapasidade, ita nia forsa tomak, NASAUN nia forsa tomak para enfrenta risku ida ne'ebé sei atinje la'ós ita de'it ne'ebé iha responsabilidade boot ba ita nia NASAUN mas liuliu ita-nia inan-aman sira, katuas sira, mas também liuliu ita-nia ajente saúde sira, tanba ita-boot sira hatene iha funu tropa mak iha oin, mas iha funu ida ne'e médiку no enfermeiru sira mak iha oin. No tuir estatística 1% husi sira mak mate iha paíz sira ne'ebé afetadu, iha esperiénsia entaun ha'u-nia respeitu no solidariedade ba sira, ita tenke hamutuk dudu husi kotuk para enfrenta dezafiu ida ne'e.

Obrigadu barak.